

Na osnovu člana 15. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22) i člana 41. Statuta Grada Tuzle („Službeni glasnik Grada Tuzla“, broj: 6/21), Gradonačelnik Grada Tuzle, d o n o s i

## **BUDŽETSKI KALENDAR GRADA TUZLE za 2024. godinu**

### **Član 1.**

Budžetski kalendar (u daljem tekstu: kalendar) predstavlja popis aktivnosti i krajnjih rokova do kojih se moraju izvršiti aktivnosti koje se preduzimaju u postupku: pripreme, planiranja, usvajanja, izvršenja i monitoringa budžeta.

Kalendar se izrađuje za period od 12 mjeseci, od 1. januara 2024. godine do 31. decembra 2024. godine.

### **Član 2.**

Kalendar je obavezujući dokument za sve budžetske korisnike uključujući gradske organe uprave, stručne službe Grada Tuzle, Gradsko pravobranilaštvo i upravnu organizaciju, te javne ustanove koje su u trezorskom načinu poslovanja: JU Centar za socijalni rad Tuzla i JU Centar za kulturu Tuzla.

Kalendar iz stava 1. ovog člana je obavezujući i za nevladin sektor (udruženja građana u oblasti sporta, kulture kao i drugih društvenih djelatnosti), građane i predstavnike mjesnih zajednica (savjeti MZ-a), vijećnike i Klubove vijećnika političkih stranaka koji participiraju u Gradskom vijeću Tuzla, te druge javne ustanove i javna preduzeća koji su povremeni ili stalni korisnici budžetskih sredstava.

### **Član 3.**

Kalendarom se utvrđuje raspored aktivnosti u skladu sa Zakonom i uspostavljenim procedurama.

Kalendar ne uključuje aktivnosti Grada Tuzle prema višim nivoima vlasti, agencijama i drugim subjektima za koje nadležne službe donose vlastite kalendare aktivnosti u skladu sa zakonom i uspostavljenim procedurama.

### **Član 4.**

(I) Budžetski kalendar Grada Tuzla za 2024. godinu je sljedeći:

PERIOD	AKTIVNOST	PODAKTIVNOST	NOSILAC	ROK
Svaki mjesec	Implementacija budžeta	Izvršavanje Budžeta Grada Tuzle za 2024. godinu u skladu sa usvojenom Odlukom o izvršavanju Budžeta Grada Tuzle za 2024. godinu ("Službeni glasnik Grada Tuzla", broj: 12/23).	Gradske službe, stručne službe Grada Tuzle, Gradsko pravobranilaštvo, upravna organizacija i javne ustanove u nadležnosti Grada Tuzle svako u oblasti svojih nadležnosti	U skladu sa važećom pravnom regulativom i usvojenim procedurama
februar	Planiranje	Služba za budžet i finansije dostavlja budžetskim korisnicima, odnosno potrošačkim jedinicama budžetskih korisnika, budžetsku instrukciju broj 1 o načinu i elementima izrade dokumenta okvirnog budžeta (DOB-a) za period 2024-2027. godine.	SBF prema budžetskim korisnicima	do 15.02.2024.
april	Planiranje	Budžetski korisnici, odnosno potrošačke jedinice budžetskih korisnika, na osnovu instrukcije dostavljaju u Službu za budžet i finansije prijedloge prioriteta za izradu DOB-a za period 2025-2027. godine.	Budžetski korisnici prema SBF	do 15.04.2024.
maj	Objavljivanje	Služba za budžet i finansije objavljuje Registar budžetskih korisnika Grada Tuzle za 2025. godinu u Službenom glasniku Grada Tuzle.	SBF	do 31.05.2024.
juni	Planiranje	Služba za budžet i finansije priprema DOB za period 2025.-2027. godine i dostavlja Gradonačelniku.	SBF	do 15.06.2024.
juni	Donošenje/ Usvajanje	Gradonačelnik razmatra i usvaja DOB za period 2025.-2027. godine.	G	do 30.06.2024.
juli	Objavljivanje	Služba za budžet i finansije objavljuje DOB za period 2025-2027. godine na web stranici Grada Tuzle.	SBF	do 15.07. 2024.
juli	Planiranje	Služba za budžet i finansije dostavlja budžetskim korisnicima, odnosno potrošačkim jedinicama budžetskih korisnika budžetsku instrukciju broj 2 – početna budžetska ograničenja i smjernice za izradu zahtjeva budžetskih korisnika.	SBF prema budžetskim korisnicima	do 15.07.2024.

PERIOD	AKTIVNOST	PODAKTIVNOST	NOSILAC	ROK
avgust	Planiranje	Budžetski korisnici dostavljaju Službi za budžet i finansije budžetske zahtjeve (do visine gornjih indikativnih granica usvojenih DOB-om za period 2025.-2027. godine) za narednu budžetsku godinu (2025. godinu).	Budžetski korisnici prema SBF	do 15.08.2024.
septembar	Planiranje	Konsultacije Službe za budžet i finansije i budžetskih korisnika, odnosno potrošačkih jedinica budžetskih korisnika u vezi sa zahtjevima budžetskih korisnika i prioriteta budžetske potrošnje, a kako bi se pripremio nacrt Budžeta Grada Tuzle za 2025. godinu.	SBF i BK	do 15.09.2024.
oktobar	Planiranje	Služba za budžet i finansije dostavlja Gradonačelniku nacrt Budžeta Grada Tuzle za 2025. godinu i nacrt Odluke o izvršenju Budžeta Grada Tuzle za 2025. godinu.	SBF	do 15.10.2024.
oktobar	Planiranje	Gradonačelnik utvrđuje nacrt Budžeta Grada Tuzle za 2025.godinu i nacrt Odluke o izvršenju Budžeta Grada Tuzle za 2025. godinu.	G	do 01.11.2024.
oktobar	Planiranje	Služba za budžet i finansije pribavlja mišljenje o nacrtu Budžeta, od strane Ministarstva finansija TK, u skladu sa čl. 33. Zakona o budžetima u FBiH.	SBF	do 05.11.2024.
novembar	Planiranje	Gradonačelnik dostavlja Gradskom vijeću: nacrt Budžeta Grada Tuzle za 2025. godinu, nacrt Odluke o izvršenju Budžeta Grada Tuzle za 2025.godinu i kao informaciju DOB za period 2025.-2027. godine.	G, SBF	do 05.11.2024.

PERIOD	AKTIVNOST	PODAKTIVNOST	NOSILAC	ROK
novembar	Planiranje	Na osnovu zaključka sa sjednice na kojoj je Gradsko vijeće Tuzla usvojilo nacrt Budžeta Grada Tuzle za 2025. godinu i nacrt Odluke o izvršenju Budžeta Grada Tuzle za 2025.godinu, Gradonačelnik upućuje javni poziv na osnovu Odluke Gradskog vijeća Tuzla o načinu provođenja javne rasprave o nacrtu Budžeta Grada Tuzle za 2025. godinu i nacrtu Odluke o izvršenju Budžeta Grada Tuzle za 2025.godinu.	G	do 15.11.2024.
decembar	Priprema i donošenje budžeta	Prijedlog Budžeta Grada Tuzle za 2025. godinu sa kapitalnim budžetom i prijedlog Odluke o izvršenju Budžeta Grada Tuzla za 2025. godinu sačinjava se po završenim javnim raspravama i dostavlja Gradonačelniku na razmatranje.	SBF	decembar 2024
decembar	Priprema i donošenje budžeta	Služba za budžet i finansije pribavlja mišljenje o prijedlogu Budžeta, od strane Ministarstva finansija TK, u skladu sa čl. 33. Zakona o budžetima u FBiH.	SBF	do 20.12.2024.
decembar	Usvajanje budžeta	Gradonačelnik dostavlja Gradskom vijeću prijedlog Budžeta Grada Tuzle za 2025. godinu sa kapitalnim budžetom i prijedlog Odluke o izvršenju Budžeta Grada Tuzle za 2025. godinu. Gradsko vijeće donosi Budžet Grada Tuzla 2025. godinu i Odluku o izvršenju Budžeta za 2025. godinu.	GVT	do 31.12.2024.
po potrebi	Planiranje	Na osnovu ukazane potrebe, bilo da s radi o izmjenjenim projekcijama prihoda ili o ažuriranju planiranih prihoda u odnosu na ostvarene, Služba za budžet i finansije priprema nacrt Odluke o izmjenama i dopunama Budžeta Grada Tuzle za 2024. godinu i prosljeđuje u dalju proceduru propisanu važećom pravnom regulativom.	SBF	u skladu sa stvarnom potrebom

(II) Periodični izvještaji

PERIOD	AKTIVNOST	PODAKTIVNOST	NOSILAC	ROK
mart	Izvještavanje	Dostavljanje Izvještaja o izvršenju Budžeta Grada Tuzla za period 01.01.- 31.12.2023. godine i Izvještaja o korištenju tekuće rezerve za period 01.01.-31.12.2023. godine Gradonačelniku na razmatranje.	SBF	do aprila 2024.
mart	Izvještavanje	Dostavljanje Izvještaja o izvršenju Budžeta Grada Tuzle za period 01.01.-31.03.2024. godine i Izvještaja o korištenju sredstava tekuće rezerve za period 01.01.-31.03.2024. godine Gradonačelniku na razmatranje i usvajanje.	SBF	do 20.04.2024.
mart	Usvajanje	Dostavljanje Izvještaja o izvršenju Budžeta Grada Tuzle za period 01.01.-31.03.2024. godine Gradskom vijeću na usvajanje.	SBF, G	do 30.04.2024.
mart - juni	Usvajanje	Dostavljanje Izvještaja o izvršenju Budžeta Grada Tuzle za period 01.01.-31.12.2023. godine i Izvještaja o korištenju sredstava tekuće rezerve za period 01.01.-31.12.2023. godine Gradskom vijeću na razmatranje i usvajanje.	SBF, G	do 30.06.2024.
juli	Izvještavanje	Dostavljanje Izvještaja o izvršenju Budžeta Grada Tuzle za period 01.01.-30.06.2024. godine i Izvještaja o korištenju sredstava tekuće rezerve za period 01.01.-30.06.2024.godine Gradonačelniku na razmatranje i usvajanje.	SBF	do 20.07.2024.

PERIOD	AKTIVNOST	PODAKTIVNOST	NOSILAC	ROK
juli	Usvajanje	Dostavljanje Izvještaja o izvršenju Budžeta Grada Tuzle za period 01.01.-30.06.2024. godine i Izvještaja o korištenju sredstava tekuće rezerve za period 01.01.-30.06.2024. godine Gradskom vijeću na razmatranje i usvajanje.	SBF, G	do 31.07.2024.
oktobar	Izvještavanje	Dostavljanje Izvještaja o izvršenju Budžeta Grada Tuzle za period 01.01.-30.09.2024. godine i Izvještaja o korištenju sredstava tekuće rezerve za period 01.01.-30.09.2024. godine Gradonačelniku na razmatranje i usvajanje.	SBF	do 20.10.2024.
oktobar	Usvajanje	Dostavljanje Izvještaja o izvršenju Budžeta Grada Tuzle za period 01.01.-30.09.2024.godine Gradskom vijeću na usvajanje.	SBF, G	do 31.10.2024.

Legenda:

- G - Gradonačelnik,
- SBF - Služba za budžet i finansije,
- GVT - Gradsko vijeće Tuzla i
- BK - Budžetski korisnik/ci

### **Član 5.**

Navedeni rokovi predstavljaju krajnje rokove u budžetskom kalendaru.

Ukoliko se ukaže potreba za provođenjem i drugih aktivnosti u toku 2024. godine, iste će se uvrstiti u kalendar.

Svi nosioci aktivnosti iz člana 4. kalendara su dužni poštovati vremenske rokove i aktivnosti utvrđene istim.

### **Član 6.**

Budžetski kalendar se odnosi na 2024. godinu, a isti će se objaviti na internet stranici Grada Tuzla [www.tuzla.ba](http://www.tuzla.ba).

**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**GRAD TUZLA**  
**GRADONAČELNIK**  
**Broj: 02/11-A-1294-2024**  
**Tuzla; 25.01.2024. godine**

**GRADONAČELNIK**

*Dr. sc. Zijad Lugavić, dipl. ecc.*